

四庫全書

史部

欽定四庫全書

元史卷八十七

明翰林學士亞中大夫知制誥兼修國史宋濂等修

百官志第三十七

百官三

大宗正府秩從一品國初未有官制首置斷事官曰扎爾古齊會決庶務凡諸王駙馬投下蒙古色目人等應犯一切公事及漢人姦盜詐偽蠱毒厭魅誘掠逃驅輕

重罪囚及遠遠出征官吏每歲從駕分司上都存留住
冬諸事悉掌之至元二年置十員三年置八員九年降
從一品銀印止理蒙古公事以諸王為府長餘悉御位
下及諸王之有國封者又有集賽人員奉旨署事別無
頒受宣命十四年置十四員十五年置十三員二十一
年置二十一員二十二年增至三十四員二十八年增
至四十六員大德四年省五員十一年四十一員皇慶
元年省二員以漢人刑名歸刑部泰定元年復命兼理

置扎爾古齊四十二員令史改為掾史致和元年以上
都大都所屬蒙古人并集賽軍站色目與漢人相犯者
歸宗正府處斷其餘路府州縣漢人蒙古色目詞訟悉
歸有司刑部掌管正官扎爾古齊四十二員從一品郎
中一員從五品員外郎二員從六品都司二員從七品
承發架閣庫管勾一員從八品掾史十人蒙古筆且齊
十三人通事知印各三人宣使十人蒙古書寫一人典
吏三人庫子一人醫人一人司獄二員

大司農司秩正二品凡農桑水利學校饑荒之事悉掌之至元七年始立置官五員十四年罷以按察司兼領勸農事十八年改立農政院置官六員二十年又改立務農司秩從三品置達魯噶齊一員務農使一員同知二員是年又改司農寺達魯噶齊一員司農卿二員司丞一員二十三年仍為大司農司秩仍正二品大德元年增領大司農事一員皇慶二年陞從一品增大司農一員定置大司農四員從一品大司農卿二員正二品

少卿二員從二品大司農丞二員從三品經歷一員從五品都事二員從七品架閣庫管勾一員照磨一員並正八品掾史十二人蒙古筆具齊二人回回掾史一人知印二人通事一人宣使一人典吏五人

籍田署秩從六品掌耕種籍田以奉宗廟祭祀至元七年始立隸大司農十四年罷司農隸太常寺二十三年復立大司農司仍隸焉署令一員從六品署丞一員從七品司吏一人

供膳司秩從五品掌供給應需貨買百色生料并僧
格籍入貨產至元二十二年始置隸司農置達魯噶
齊一員提點一員並從五品司令一員正六品丞一
員正七品吏一人

輔用庫秩正九品掌規運息錢以給供需大使一
員副使一員

興中州等處油戶提領所秩從九品提領一員大
使一員副使一員歲辦油十萬斤以供內庖至元

二十九年始置

蔚州麪戶提領所提領一員副使一員以辦白麪
葱菜以給應辦歲計十餘萬斤 右屬供膳

永平屯田總管府秩從三品達魯噶齊一員總管一
員同知一員知事一員司吏四人至元二十四年始
立於永平路南馬城縣以北京採木三千人隸之所
轄昌國濟民豐贍三署各置署令一員署丞一員直
長一人吏目二人吏二人

翰林兼國史院秩正二品中統初以王鶚為翰林學士
未立官署至元元年始置秩正三品六年置承旨三員
學士二員侍讀學士二員侍講學士二員直學士二員
八年陞從二品十四年增承旨一員十六年增侍讀學
士一員十七年增承旨二員二十年省併集賢院為翰
林國史集賢院二十一年增學士二員二十二年復分
立集賢院二十三年增侍講學士一員二十六年置官
吏五員掌管教習伊斯提喇卜文字二十七年增承旨

一員大德四年陞正二品改典部為司直置都事一員
至大元年置承旨九員皇慶元年陞從一品改司直為
經歷延祐元年別置回回國子監學士以伊斯提喇卜
官屬歸之五年置承旨八員後定置承旨六員從一品
學士二員正二品侍讀學士二員從二品侍講學士二
員從二品直學士二員從三品屬官待制五員從五品
修撰三員從六品應奉翰林文字五員從七品編修官
十員正八品檢閱四員正八品典籍二員正七品經歷

一員從五品都事一員從七品掾史四人譯史通事知印各二人蒙古書寫五人書寫十人接手書寫十人典吏三人典書二人

蒙古翰林院秩從二品掌譯寫一切文字及頒降璽書並用蒙古新字仍各以其國字副之至元八年始立新字學士於國史院十二年別立翰林院置承旨一員直學士一員待制二員修撰一員應奉四員寫聖旨筆且齊十有一人令史一人知印一人十八年增承旨一員

學士三員省漢兒令史置蒙古筆且齊四人二十九年
增承旨一員侍講學士一員知印一人三十年增管勾
一員大德五年陞正三品九年置司直一員都事一員
皇慶元年改陞從一品設官二十有八吏屬二十有四
延祐二年改司直為經歷後定置承旨七員學士二員
侍講學士二員侍讀學士二員直學士二員待制四員
修撰二員應奉五員經歷一員都事一員品秩並同翰
林國史院承發架閣庫管勾一員正九品筆且齊一十

四人掾史三人通事一人譯史一人知印二人書寫一人典吏三人

蒙古國子監秩從三品至元十四年始立置司業一員二十九年准漢人國學例置祭酒司業監丞延祐四年陞正三品七年復降為從三品後定置祭酒一員從三品司業二員正五品監丞一員正六品令史一人筆且齊一人知印一人

蒙古國子監秩正七品博士二員助教二員教授二

員學正學錄各二員掌教習諸生於隨朝百官集賽
台蒙古漢兒官員家選子弟俊秀者入學至元八年
置官五員後以每歲從駕上都教習事繁設官員少
增學正二員學錄二員三十一年增助教一員典給
一人後定置博士二員正七品助教二員授教二員
並正八品學正學錄各二員典書一人典給一人
內八府宰相掌諸王朝覲饋介之事遇有詔令則與蒙
古翰林院官同譯寫而潤色之謂之宰相云者其貴

似侍中其近似門下故特寵之以是名雖有是名而無授受宣命品秩則視二品焉大德九年以穆齊特等八人為之天歷元年為內八府宰相之職故附見於此云

集賢院秩從二品掌提調學校徵求隱逸召集賢良凡國子監玄門道教陰陽祭祀占卜祭道之事悉隸焉國初集賢與翰林國史院同一官署至元二十二年分置兩院置大學士三員學士一員直學士二員典籍一員

吏屬七人二十四年增置學士一員侍讀學士一員待
制一員尋陞正二品置院使一員正二品大學士二員
從二品學士三員從二品侍讀學士一員從三品侍講
學士一員從三品直學士二員從四品司直一員從五
品待制一員正五品二十五年增都司一員從七品修
撰一員從六品元貞元年增院使一員大德十一年陞
從一品置院使六員經歷二員至大四年省院使六員
皇慶二年省漢人經歷一員後定置大學士五員從一

品學士二員正二品侍讀學士二員侍講學士二員並
從二品直學士二員從三品經歷一員從五品都司二
員從七品待制一員正五品修撰一員從六品兼管勾
承發架閣庫一員正八品掾史六人譯史知印各二人
通事一人宣使七人典吏三人

國子監至元初以許衡為集賢館大學士國子祭酒
教國子與蒙古大姓四集賽人員選七品以上朝官
子孫為國子生隨朝三品以上官得舉凡民之俊秀

者入學為陪堂生伴讀至元二十四年始置監祭酒
一員從三品司業二員正五品掌學之教令皆德尊
望重者為之監察一員正六品專領監務典簿一員
令史二人譯史知印典吏各一人

國子學秩正七品置博士二員掌教授生徒考較儒
人著述教官所業文字助教四員分教各齋生員大
德八年為分職上都增置助教二員學正二員學錄
二員督習課業典籍十一員掌生員膳食至元二十

年定置生員額二百人伴讀十人大德四年生員三百人延祐二年增置生員一百人伴讀二十人

興文署秩從六品署令一員以翰林修撰兼之署丞一員以翰林應奉兼之至治二年罷置典簿一員從七品掌提調諸生飲膳與凡文牘簿書之事仍置典吏一人

宣政院秩從一品掌釋教生徒及吐蕃之境而隸治之遇吐蕃有事則為分院往鎮亦別有印如大征伐則會

樞府議其用人則自為選其為選則軍民通攝僧俗並用至元初立總制院而領以國師二十五年因唐制吐蕃來朝見於宣政殿之故更名宣政院置院使二員同知二員副使二員參議二員經歷二員都事四員管勾一員照磨一員二十六年置斷事官四員二十八年增僉院同僉各一員元貞元年增院判一員大德四年罷斷事官至大初省院使一員至治三年置院使六員天歷二年罷功德使司歸宣政定置院使十員從一品同

知二員正二品副使二員從二品僉院二員正三品同
僉二員正四品院判三員正五品叅議二員正五品經
歷二員從五品都事三員從七品照磨一員管勾一員
並正八品掾史十五人蒙古筆且齊二人回回掾史二
人克埒穆爾齊四人知印二人宣使十五人典史有差
斷事官四員從三品經歷知事各一員令史五人知
印奏差譯史通事各一人至元二十五年始置
客省使秩從五品大使二員副使一員至元二十五

年置

大都規運提點所秩正四品達噶魯齊一員提點一員大使一員副使一員至元二十八年置

上都規運提點所秩正四品達噶魯齊一員提點一員大使一員副使一員知事一員至元二十八年置
大都提舉資善庫秩從五品達噶魯齊一員提點一員同提舉一員副提舉一員掌錢帛之事至元二十六年置

上都利貞庫秩從七品提領一員副使一員掌飲膳
好事金銀諸物元貞元年置

大濟倉監支納一員大使一員

興教寺管房提領一員

吐蕃等處宣慰使司都元帥府秩從二品宣慰使五
員經歷二員都事二員照磨二員捕盜官二員儒學
教授二員鎮撫二員其屬二

國沙瑪路軍民萬戶府秩正三品達魯噶齊一員

萬戶一員副達嚕噶齊一員副萬戶一員經歷一員知事一員鎮撫一員

西夏中興河州等處軍民總管府秩正三品達嚕噶齊一員總管一員同知一員治中一員府判一員

經歷一員知事一員屬官稅務提領寧河縣官寧河北克托和斯五員寧河弓甲匠達嚕噶齊

洮州元帥府秩從三品達嚕噶齊一員元帥一員知事一員

十八族元帥府秩從三品達魯噶齊一員元帥一員
同知一員知事一員

積石州元帥府達魯噶齊一員元帥一員同知一員
知事一員托克托和斯一員

禮店文州蒙古漢軍西番軍民元帥府秩正三品達
魯噶齊一員元帥一員同知一員經歷知事各一員
鎮撫一員蒙古鄂囉官一員蒙古鄂囉相副官一員

禮店文州蒙古漢軍鄂囉軍民千戶所秩從五品

達嚕噶齊一員千戶一員副千戶一員把總五員
百戶八員

禮店文州蒙古漢軍西番軍民上千戶所秩正四
品達嚕噶齊一員千戶一員百戶一員新附千戶
二員

禮店階州西水蒙古漢軍西番軍民總把二員
吐蕃等處招討使司秩正三品招討使二員知事一
員鎮撫一員其屬附

圖沙瑪探馬軍四萬戶府秩正三品萬戶五員千
戶八員經歷一員鎮撫一員

圖沙瑪路新附軍千戶所秩從五品達魯噶齊一
員千戶一員副千戶一員

文扶州西路南路達伊克等處萬戶府秩從三品
達魯噶齊一員萬戶二員

鳳翔等處千戶所秩從五品達魯噶齊一員千戶
一員百戶二員

慶陽寧環等處管軍總把一員

文州課程倉糧官一員

岷州十八族週迴捕盜官二員

常陽帖城阿布隆等處萬戶府秩從三品達嚕噶齊一員千戶一員

階文扶州等處番漢軍上千戶所秩正五品達嚕噶齊一員千戶二員

貴德州達嚕噶齊知州各一員同知州判各一員

金史卷八十七
托克托和斯一員捕盜官一員

具成萬戶府達魯噶齊二員萬戶四員

松潘宕疊威茂州等處軍民安撫使司秩正三品達
魯噶齊一員安撫司一員同知一員僉事一員經歷
知事照磨各一員鎮撫一員威州保寧縣茂州文山
縣文川縣皆隸焉

靜州茶上必里溪安鄉等二十六族軍民千戶所
達魯噶齊一員千戶一員

龍木頭都留等處十二族軍民千戶所達嚕噶齊
一員千戶一員

岳希蓬薩蒿村等處二十二族軍民千戶所達嚕
噶齊一員千戶一員

折藏萬戶府達嚕噶齊一員萬戶一員

吐蕃等路宣慰使司都元帥府宣慰使四員同知二
員副使一員經歷都事各二員捕盜官三員鎮撫二
員

采甘思田地裏管軍民都元帥府都元帥一員經歷

一員鎮撫一員

喇嘛綱等處詔討使司達嚕噶齊一員招討使一員

經歷一員

本布田地裏招討使司招討使一員經歷一員鎮撫

一員

本布喇實綱百姓達嚕噶齊一員

碣門魚通黎雅長河西寧遠等處軍民安撫使司秋

正三品達魯噶齊一員安撫使一員同知一員副使
一員僉事一員經歷知事照磨各一員鎮撫二員

六番招討使司達魯噶齊一員招討使一員經歷一
員知事一員雅州嚴道縣名山縣隸之

天全招討使司達魯噶齊一員招討使二員經歷知
事各一員

魚通路萬戶府達魯噶齊一員萬戶一員經歷知
事各一員黎州隸之

碣門魚通等處管軍守鎮萬戶府達魯噶齊一員
萬戶二員經歷知事各一員鎮撫二員千戶八員
百戶二十員彈壓四員

長河西管軍萬戶府達魯噶齊一員萬戶二員

長河西裏管軍招討使司招討使二員經歷一員

朶甘斯招討使一員

朶甘斯哈達李唐魚通等處錢糧總管府達魯噶
齊一員總管一員副總管一員哈喇台托克托和

斯一員哈喇托克托和斯一員朵甘斯昂吉爾茂
穆蘇千戶一員

伊實瑪爾綱萬戶府達魯噶齊一員萬戶二員

烏斯藏納喇蘇古魯蘇等三路宣慰使司都元帥府
宣慰使五員同知二員副使一員經歷一員鎮撫一
員捕盜司官一員其屬附見

納喇蘇古魯蘇元帥二員

烏斯藏管蒙古軍府元帥二員

達理管軍招討使一員

烏斯藏等處轉運一員

實魯蘇地管民萬戶一員

恰爾巴田地裏管民萬戶一員

烏斯藏田地裏管民萬戶一員

蘇爾瑪節幹田地裏管民官一員

薩喇田地裏管民官一員

楚密克萬戶一員

鄂蘭塔拉萬戶一員

斯達克隆拉萬戶一員

布木古爾萬戶一員

當布特色千戶四員

嘉木巴萬戶一員

扎雅幹萬戶一員

雅爾布藏實巴萬戶府達嚕噶齊一員萬戶一員

千戶一員達哩托克托和斯一員

穆爾軍萬戶府達魯噶齊一員萬戶一員吹古戩
巴千戶一員巴理巴官一員

宣徽院秩正三品掌供玉食凡樞梁牲牢酒醴蔬菓庶
品之物燕享宗戚賓客之事及諸王宿衛齊哩克琨糧
食蒙古萬戶千戶合納差發係官抽分牧養孳畜歲支
芻草粟菽羊馬價直收受拉馬伊克等事尚食尚藥尚
醢三局皆隸焉所轄內外司屬自為選用至元十五年
置院使一員同知同僉各二員主事二員照磨一員二

十年陞從二品增院使一員置經歷二員典簿三員二十三年陞正三品置院判二員省典簿置都事三員三十年增院使四員大德二年增同知二員三年陞從一品四年置副使二員皇慶元年增院使三員始定集賢台一萬人本院掌其給授後定置院使六員從七品同知二員正二品副使二員從二品僉院二員正三品同僉二員正四品院判二員正五品經歷二員從五品都事三員從七品照磨承發架閣庫各一員並正八品掾

史二十人蒙古筆且齊六人回回掾史二人克埒穆爾
齊二人知印二人典史六人蒙古書寫二人其屬附見
光祿寺秩正三品掌起運米麴諸事領尚飲尚醞局
沿路酒坊各路布種事至元十五年罷都提點置寺
設卿一員少卿三員主事一員照磨一員管勾一員
二十年改尚醞監正四品二十三年復為光祿寺卿
二員少卿丞各一員二十四年增少卿一員二十五
年撥隸省部三十一年復隸宣徽延祐七年降從二

品後復正三品定置卿四員正三品少卿二員從四品丞二員從五品主事二員從七品令史八人譯史知印各二人通事一人奏差二十四人典史三人蒙古書寫一人

大都尚飲局秩從六品中統四年始置設大使副使各一員俱帶金符掌醞造上用細酒至元十二年增副使二員十五年陞從五品置提點一員後定置提點一員從五品大使一員正六品副使二員正七品

上都尚飲局秩正五品皇慶中始置提點一員大使
副使各一員品秩同上

大都尚醞局秩從六品掌醞造諸王百官酒醴中統
四年立御酒庫設金符宣差至元十一年始設提點
十六年改尚醞局從五品置提點一員從五品大使
一員正六品副使二員正七品直長一員正八品
上都尚醞局秩從五品至元二十九年始置設提點
一員大使一員副使直長各一員品秩同上

大都醴源倉秩從六品掌受香莎蘇門等酒材糯米
鄉貢麴藥以供上醞及歲賜諸王百官者至元二十
五年始置設提舉一員從六品大使一員從七品副
史一員正八品

上都醴源倉秩從九品掌受大都轉輸米麵并釀造
車駕臨幸次舍供給之酒至元二十五年始置設大
使一員直長一員

尚珍署秩從五品掌收濟寧等處田土子粒以供酒

材至元十三年始立十五年罷入有司二十三年復
置設達魯噶齊一員令一員並從五品丞二員正七
品吏目一員

安豐懷遠等處稻田提領所秩從九品掌稻田布種
歲收子粒轉輸醴源倉定置提領二員

尚舍寺秩正四品掌行在帷幙帳房陳設之事收養
駱駝供進愛喇克乳酪至元三十一年始置監至大
元年改為寺陞正三品四年仍為監尋復為寺延祐

三年復降為正四品定置大監二員少監二員監丞二員知事一員

諸物庫秩從七品掌出納大德四年置設提領一員大使一員副使一員

拉木依克監秩正四品掌布埒齊人口頭足諸物至元二十年初立拉木伊克所秩九品二十九年改為監正四品二十八年陞正三品至大四年復正四品尋復正三品延祐七年復為正四品定置大監一員

正四品少監二員正五品監丞二員正六品知事一員從八品提控案牘一員從九品令史五員譯史一人知印兼領事一人奏差五人

尚食局秩正五品掌供御膳及出納油麴酥蜜諸物至元二年置提點領進納百色生料二十年省併尚藥局為尚食局別置生料庫本局定置提點一員從五品大使一員正六品副使一員正七品直長一員正八品

大都生料庫秩從五品至元十一年置生料野物庫
隸尚食局二十年別置庫擬內藏庫例置提點二員
從五品大使二員正六品副使三員正七品

上都生料庫秩從三品掌受弘州大同虎賁司農等歲辦
油麵大都起運諸物供奉內府放支宮人官者飲膳提點
一員大使一員副使二員品秩同上直長一員正八品

大都大倉上都大倉秩正六品掌內府支持米豆及
酒材米麵藥物至元五年初立設官三員俱受制國

用使司劄付十二年改立提舉大倉設官三員隸宣
徽二十五年陞正六品定置二倉各設提舉一員正
六品大使一員從六品副使一員從七品

大都上都柴炭局各一至元二十年置秩從六品十
六年改提舉司陞五品大德八年仍為局降正七品
置達嚕嚕齊各一員正七品大都大使一員上都大
使二員各正七品副使各二員正八品直長各一人
掌葦場典史各一人

尚牧所秩從五品至大四年始置設提舉二員從五品同提舉一員從六品副提舉一員從七品吏目一員

沙糖局秩從五品掌沙糖蜂蜜煎造及方貢菓木至元十三年始置秩從六品十七年置提點一員十九年陞從五品置達嚕嚕齊一員從五品提點一員從五品大使一員正六品副使一員正七品

永備倉秩從五品至元十四年始置給從九品印掌

受兩都倉庫起運省部計置油麪諸物及雲需府所
辦羊物以備車駕行幸膳羞二十四年陞從五品置
提點一員從五品大使一員正六品副使各一員
正七品

豐儲倉秩九品大使一員掌出納車駕行幸以支持
膳羞

淮東淮西屯田打捕總管府秩正三品掌獻田歲入
以供內府及湖泊山場漁獵以供內膳至元十四年

始立總管府并管漣海高郵河泊提舉司沂州等處
提舉司事十六年置楊州鷹房打捕達魯噶齊總管
府二十二年省并為淮東淮西屯田打捕總管府二
十五年以兩淮新附手號軍千戶所隸本府及分置
提舉司十一處定置達魯噶齊一員正三品總管一
員正三品同知一員正五品府判一員正六品經歷
一員從七品知事一員從八品提控案牘一員從九
品司吏六人

淮安州屯田打捕提舉司高郵屯田打捕提舉司
昭泗屯田打捕提舉司安東海州屯田打捕提舉
司揚州通泰屯田打捕提舉司安豐廬州等處打
捕提舉司鎮巢等處打捕提舉司峪山徐邳沂州
等處山場屯田提舉司凡九處秩俱從五品每司
各設達嚕噶齊一員提舉一員並從五品同提舉
一員從六品副提舉一員從七品吏目二人

抽分場提領所凡十處曰柴墟東西口曰海州新

填曰北砂太倉曰安河桃源曰大湖東西口曰時
堡興化曰高郵寶應曰汶湖等處曰雲山白水曰
安東州每所各設提領一員同提領一員副提領
一員俱受宣徽院劄付

蒲浦倉秩正八品掌收受各處子粒米麴等物以
待轉輸京師至元二十五年始置設大使一員正
八品副使一員正九品

圓米棋子局軟皮局各置提領一員同提領一員

副提領一員俱受宣徽院劄付

手號軍人打捕千戶所秩從四品管軍人打捕野
物皮貨至元二十五年始置設達魯噶齊一員上
千戶一員上副千戶一員彈壓一員

上百戶七所各置百戶二員

鍾離縣 定遠縣 真揚州 安慶

安豐 招泗 和州

下百戶二所各置百戶二員

連海 懷遠軍

龍慶栽種提舉司秩從五品管領縉山歲輸梁米并
易州龍門淨遷官園瓜果桃梨等物以奉上供至元
十七年始置提舉司延祐七年縉山改為龍慶州因
以名之定置達嚕噶齊一員提舉一員並從五品同
提舉一員從六品副提舉一員從七品

宏州種田提舉司秩正六品掌輸納麥麴之事以供
內府定置達嚕噶齊一員提舉一員並正六品同提

舉一員正七品副提舉一員正八品直長一員

豐潤署秋正五品掌歲入芻粟以給飼養駝馬之事
定置達嚕噶齊一員令一員並從五品丞一員從六
品直長一員正八品

常湖等處茶園都提舉司秋正四品掌常湖二路茶
園戶二萬三千有奇採摘茶芽以供內府至元十三
年置司統提領所凡十有三處十六年陞都提舉司
又別置平江等處樵茶提舉司掌歲貢御茶二十四

年罷平江提舉司併掌其職定置達魯噶齊一員提舉一員俱從五品同提舉一員從六品副提舉一員從七品提控案牘一員都目一員

提領所七處每所各設正同副提領各一員俱受宣徽院劄付掌九品印

烏程 武康德清 長興 安吉 歸安

湖汶 宜興

達寧北苑武夷茶場提領所提領一員受宣徽院

筭掌歲貢茶芽直隸宣徽

大禧宗裡院秩從一品掌神御殿朔望歲時諱忌日辰裡享禮典天厯元年罷會福殊祥二院改置大禧院以總制之初院官秩正三品陞從一品置參議二員改令史為掾史二年改大禧宗裡院置院使六員增副使二員立諸總管府為之屬凡錢糧之出納營繕之作輟悉統之定置院使都典制神御殿事六員同知兼佐儀神御殿事二員副使兼奉贊神御殿事二員僉院兼祇承

神御殿事二員同僉兼肅治神御殿事二員院判兼供
應神御殿事二員叅議二員經歷二員都事二員管勾
照磨各一員掾史二十人譯史四人知印二人克埒穆
爾齊二人宣使一十五人斷事官四員客省使大使
副使各一員

隆禧總管府秩正三品至大元年建立南鎮國寺初
立規運提點所二年改為規運都總管府三年陞為
隆禧院天曆元年罷會福殊祥二院以隆禧殊祥併

立殊祥總管府尋又改為隆禧總管府定置達魯噶齊一員總管一員副達魯噶齊一員同知一員治中一員判官一員經歷一員知事照磨各一員令史六人譯史知印各一員克埒穆爾齊一人奏差四人福元營繕司秩正五品達魯噶齊一員司令一員大使一員副使一員吏目一員司吏一人天曆元年以南鎮國寺所立齊哩克毘事產提舉司改為崇恩福元提點所三年又改為福元營繕司

普安智全營繕司秩五品達嚕噶齊一員司令一員大使副使各一員吏目一人司吏一人天曆元年以大玉山普安寺大智全寺兩規運提領所并為一置提點一員又改為營繕司

祐國營繕都司秩正四品達嚕噶齊一員司令一員大使副使各一員知事一員提控案牘一員天曆元年初置萬聖祐國營繕提點所三年改為營繕都司

平松等處福元田賦提舉司秩五品置達嚕噶齊
一員提舉一員同提舉副提舉各一員

田賦提舉司秩五品置提舉一員同提舉一員副
提舉一員

資用庫提領一員大使一員

萬聖庫提領一員大使一員副使一員

會福總營府秩正三品至元十一年達大護國仁王
寺及昭應宮始置材用規運所秩正四品十六年改

規運所為總管府至大元年改都總管府從二品尋
陞會福院置院使五員延祐三年改正二品天厯元
年改為會福總管府正三品定置達魯噶齊一員總
管一員同知一員治中一員府判一員經歷知事提
控案牘各一員令史八人譯史通事知印各一人奏
差四人

仁王營繕司正五品至元八年立護國仁王寺鎮
遏提舉司十九年改鎮遏所二十八年并三提鎮

所為諸色人匠提領所天歷元年改為鎮遏民匠
提領所三年改為仁王營繕司置達魯噶齊一員
司令一員大使一員副使一員

襄陽營田提舉司秩從五品初置襄陽等處水陸
地土人戶提領所設官四員大德元年改提舉司
天歷二年仍為襄陽營田提舉司定置達魯噶齊
一員提舉一員同提舉一員副提舉一員

江淮等處營田提舉一員從五品至元二十七年

始置達嚕達齊一員提舉一員同提舉一員副提
舉一員

大都等路民佃提領所至元二十九年以武清等
十二處併立大都水陸地土種田人民提領所十
五年又設隨路管民都提領所天厯元年併為大
都等路民佃提領所定置提領一員大使副使各
一員

會福財用所秩從七品掌大護國仁王寺糧草諸

物至元十七年始立財用庫二十六年立盈益倉
天歷元年併財用盈益為所提領一員大使一員
副使一員

崇祥總管府正秩三品至大元年立大承華普慶寺
都總管府二年改延禧監尋改崇祥監四年陞為崇
祥院秩二品泰定四年復改為大承華普慶寺總管
府天歷元年改為崇祥總管府定置達魯噶齊一員
總管一員副達魯噶齊一員同知治中府判各一員

經歷知事提舉案牘兼照磨各一員令史六人譯史知印各一人克埒爾木齊一人奏差四人

永福營繕司秩正五品延祐三年以起建新寺始置營繕提領所天歷元年改為永福營繕提點所三年改營繕司設達魯噶齊一員司令一員大使一員副使一員都目一員

昭孝營繕司秩正五品天歷元年立壽安山規運提領所三年改昭孝營繕司定置達魯噶齊一員

司令一員大使副使各一員

普慶營繕司秩正五品天歷元年始置普慶營繕
提領所三年改為營繕司定置達嚕噶齊一員司
令一員大使副使各一員

崇祥財用所至大二年始置諸物庫四年置普贍
倉天歷二年併諸物庫普贍倉改為崇祥財用所
定置官提領一員大使副使各一員

永福財用所掌出納顏料諸物延祐三年始置諸

物庫又置永積倉天厯二年以諸物庫永積倉併
改置為所設提領大使各一員

鎮江稻田提舉司達魯噶齊提舉司提舉副提舉
各一員

汴梁稻田提舉司達魯噶齊提舉司提舉又副提舉
各一員

平江等處田賦提領司達魯噶齊提舉司提舉副
提舉各一員

冀寧提領所提舉一員

隆祥使司秩正三品天厯二年中宮建大承天護聖
寺立隆祥總管府設官八員至順二年陞為隆祥使
司秩從二品置官司使四員同知副使司丞各二員
經歷一員都事二員照磨兼架閣一員令史十人譯
史通事知印各二人宣使十人典史六人

普明營繕都司秩正四品天厯元年敕大龍興普
明寺于海南置規運提點所設官六員二年撥隸

隆祥總管府三年改為都司品秩仍舊以掌營造
出納錢糧之事定置達嚕噶齊司令大使副使各
一員知事一員提控案牘一員

集慶萬壽營繕都司秩正四品天厯二年達龍翔
萬壽兩寺于達康立龍翔萬壽營繕提點所為隆
祥總管府屬三年改為營繕都司秩仍舊以掌營
造錢糧之事定置達嚕噶齊司令大使副使各一
員知事提控案牘各一員

元興營繕都司秩正四品掌營造錢糧之事天厯
元年始置大元興規運提點所置官五員三年改
都司置達魯噶齊二員司令大使副使各一員知
事提控案牘各一員

宣農提領司秩從五品達魯噶齊提舉同提舉副
提舉各一員掌征收田賦子粒之事天厯二年以
大都等處田賦提舉司隸隆祥總管府三年改提
舉司

護聖營繕司秩正五品達魯噶齊司令大使副使
各一員掌營造工匠寺僧衣糧收徵房課之事天
曆二年始立大承天護聖營繕提點所三年改為
司

平江善農提舉司秩從五品達魯噶齊提舉同提
舉副提舉各一員天曆二年立田賦提舉司設官
四員三年改為善農提舉司

善盈庫天曆二年隸隆祥總管府置提領一員大

使副使各一員掌金銀錢糧之事

荆襄等處濟農香戶提舉司秩正五品天歷三年以荆襄提舉司所領河南湖廣田土為大承天護聖寺常住改為荆襄濟農香戶提舉司隸隆祥總管府置達魯噶齊司令提舉同提舉副提舉各一員

龍慶州等處田賦提領所秩九品提領副提領各一員天歷二年置掌龍慶州所有土田歲賦平江

集慶崇禧田賦提領所提領同提領副提領各一員天厯三年始置

集慶崇禧財用所大使副使各一員天厯三年始置

壽福總管府掌祭供錢糧之事秩正三品至大四年因建大聖壽萬安寺置萬安規運提領所秩正五品延祐二年陞都總管府秩正三品尋陞為壽福院正二品天厯元年改立總管府仍正三品定置官達魯

噶齊總管副達噶齊同知治中府判各一員經歷
知事案牘照磨各一員令史六人知印通事譯史各
一人奏差四人典史一人

萬安營繕司秩正五品天歷三年以萬安規運提
點所既廢復立萬安營繕司定置達噶齊司令
大使副使都目各一人

萬寧營繕司秩正四品大德十年始置萬寧規運
提點所天歷元年改營繕司定置達噶齊司令

大使副使都目各一員

收支庫提領一員大使一員

延聖營繕司秩正五品初立天源營繕提點所天
曆三年改營繕司定置達魯噶齊司今大司副使
都目各一員

諸物庫提領一員大使一員

元史卷八十七

欽定四庫全書

元史卷八十八

明翰林學士亞中大夫知制誥兼修國史宋濂等修

百官志第三十八

百官四

太常禮儀院秩正二品掌大禮樂祭享宗廟社稷封贈
諡號等事中統元年中都立太常寺設寺丞一員至元
二年翰林兼攝太常寺九年立太常設卿一員秩正三

品少卿以下五員品秩有差十三年省併衙門以侍儀司併入太常寺十四年增博士一員十六年又增法物庫子掌公服法服之藏二十年陞正三品別置侍儀司至大元年改陞院設官十二員正二品四年復為太常寺正三品延祐元年復改陞院正二品以大司徒領之七年降從二品天曆二年復陞正二品定置院使二員正二品同知二員正三品僉院二員從三品同僉二員正四品院判二員正五品經歷一員從五品都事一員

從七品照磨兼管勾承發架閣一員正八品屬官博士
二員正七品奉禮郎二員奉禮兼檢討一員並從八品
協律郎二員從八品太祝十員從八品禮直管勾一員
從九品令史四人通事知印譯史各二人宣使四人典
吏三人

太廟署秩從六品掌宗廟行禮兼廩犧署事至元三
年始置令二員從六品丞一員從六品

郊祀署秩從六品大德九年始置掌郊祀行禮兼廩

儀署事令二員從六品丞二員從七品

社稷署秩從六品大德元年始置令二員從六品丞

一員從七品

大樂署秩從六品中統五年始置令二員從六品丞

一員從七品掌管禮生樂工四百七十九戶

典瑞院秩正二品掌寶璽金銀符牌中統元年始置符

寶郎二員至元十六年立符寶局給六品印十七年陞

正五品十八年改典瑞監秩正三品二十年降為正四

品省卿二員二十九年復正三品仍置監卿二員大德十一年陞典瑞院正二品置院使四員正二品同知二員正三品僉院二員從三品同僉二員正四品院判二員正五品經歷二員從五品都事二員從七品照磨兼管勾承發架閣庫一員正八品令史四人譯史四人知印通事各一人宣使四人典史三人

太史院秩正三品掌天文歷數之事至元十五年始立院置太史令等官一員至大元年陞從二品設官十員

延祐三年陞正二品設官十五員後定置院使五員正
二品同知二員正三品僉院二員從三品同僉二員正
四品院判二員正五品經歷一員從五品都事一員從
七品管勾一員從九品令史三人譯史一人知印二人
通事一人宣使二人典吏二人

春官正兼夏官正一員正五品

秋官正兼冬官正中官正一員正五品

保章正五員正七品

保章副五員正八品

掌厯二員正八品

腹裏印厯管勾一員從九品

各省司厯十二員正九品

印厯管勾二員從九品

靈臺郎一員正七品

監候六員從八品

副監候六員正九品

星厯生四十四員

挈壺正一員從八品

司辰郎二員正九品

燈漏直長一人

教授一員從八品

學正一員從九品

校書郎二員正八品

太醫院秩正二品掌醫事製奉御藥物領各屬醫職中

統元年置宣差提點太醫院事給銀印二十年改為尚
醫監秩正四品二十二年復為太醫院給銀印置提點
四員院使副使判官各二員大德五年陞正二品設官
十六員十一年增院使二員皇慶元年增院使二員二
年增院使一員至治二年定置院使一十二員正二品
同知二員正三品僉院二員從三品同僉二員正四品
院判二員正五品經歷二員從七品都事二員從七品
照磨兼承發架閣庫一員正八品令史八人譯史二人

知印二人通事二人宣使二人

廣惠司秩正三品掌修製御用回回藥物及和劑以
療諸宿衛士及在京孤寒者至元七年始置提舉二
員十七年增置提舉一員延祐六年陞正二品七年
仍正五品至治二年復為正三品置卿四員少卿丞
各二員後定置司卿四員少卿二員司丞二員經歷
知事照磨各一員

大都上都回回藥物院二秩從五品掌回回藥事

至元二十九年始置至治二年撥隸廣惠司定置
達魯噶齊一員大使二員副使一員

御藥院秩從五品掌受各路鄉貢諸蕃進獻珍貴藥
品修造湯煎至元六年始置達魯噶齊一員從五品
大使二員從五品副使三員正七品直長一員都監
二員

御藥局秩從五品掌兩都行篋藥餌至元十年始置
大德九年分立行御藥局掌行篋藥物本局但掌上

都藥倉之事定置達嚕噶齊一員從五品局使二員
從五品副使二員正七品

行御藥局秩從五品達嚕噶齊一員大使二員副使
三員品秩全上掌行篋藥餌大德九年始置

御香局秩從五品提點一員司令一員掌修合御用
諸香至大元年始置

大都惠民局秩從五品掌收官錢經營出息市藥修
劑以惠貧民中統二年始置受太醫院劄至元十四

年定從六品秩二十一年陞從五品

上都惠民司提點一員司令一員中統四年始置品秩並同上

醫學提舉司秩從五品至元九年始置十三年罷十四年復置掌考校諸路醫生課義試驗太醫教官校勘名醫撰述文字辨驗藥材訓誨太醫子弟領各處醫學提舉一員副提舉一員

官醫提舉司秩從五品掌醫戶差役詞訟至元二

十五年置

大都保定彰德東平四路設提舉同提舉副提舉
各一員

河間大名晉寧大同濟寧廣平冀寧濟南遼陽興
和十路設提舉副提舉各一員

衛輝懷慶大寧設提舉一員

奎章閣學士院秩正二品天歷二年立於興聖殿西命
儒臣進經史之書考帝王之治大學士二員正三品尋

陞為學士院大學士正二品侍書學士從二品承制學士正三品供奉學士正四品參書從五品多以它官兼領其職至順元年增大學士二員共四員侍書學士二員承制學士二員供奉學士二員首領官參書二員典籤二員照磨一員內掾四人譯文內掾知印各二人克埒穆爾齊一人宣使四人典書五人屬官授經郎二員羣玉內司秩正三品天曆二年始置掌奎章圖書寶玩及凡常御之物監司一員正三品司尉一員從三

品亞尉一員正四品僉司二員從四品司丞二員正五品典簿一員正七品令史二人知印一人克埒穆爾齊一人奏差典吏各二人給使八人司膳四人

藝文監秩從三品天厯二年置專以國語敷譯儒書及儒書之合校讐者俾兼治之大監檢校書籍事二員從三品少監同檢校書籍二員從四品監丞參檢校書籍事二員從五品典簿一員照磨一員令史四人譯史一人克埒穆爾齊一人奏差一人典吏三人

監書博士秩正五品天厯二年始置品定書畫擇朝臣之博識者為之博士二員正五品書吏一人

藝林庫秩從六品提點一員從六品大使一員副使一員正七品庫子二人巴哩巴二人掌藏貯書籍天厯二年始置

廣成局秩七品掌傳刻經籍及印造之事天厯二年始置大使一員從七品副使一員正八品直長二人正九品司吏二人

侍正府秩正二品至順二年置侍正一十四員正二品
同知二員正三品參府二員從九品侍判二員正四品
經歷一員從六品都事一員從七品照磨一員從八品
掌內廷近侍之事領舒庫爾齊四百人奉御二十四員
拱衛直都指揮使司為其屬掾史八人譯史四人通事
知印各二人宣使八人典吏五人

奉御二十四員秩五品尚冠奉御二員從五品尚冠
副奉御二員從六品尚衣奉御二員從五品尚衣副

奉御二員從六品尚輦奉御二員從五品尚輦副奉
御二員從六品尚沐奉御二員從五品尚沐副奉御
二員從六品尚飾兼尚輦奉御二員正六品尚飾兼
尚輦副奉御二員正七品奉御掌簿四員從七品天
厯初置以四集賽之舒庫爾齊為之

給事中秩正四品至元六年始置起居注左右補闕掌
隨朝省臺院諸司凡奏聞之事悉紀錄之如古左右史
十五年改陞給事中兼修起居注左右補闕改為左右

侍儀奉御兼修起居注皇慶元年陞正三品延祐七年仍四品後定置給事中兼修起居注二員右侍儀奉御同修起居注一員左侍儀奉御同修起居注一員令史一人譯史四人通事兼知印一人

將作院秩正二品掌成造金玉珠翠犀象寶貝冠佩器皿織造刺繡段疋紗羅異樣百色造作至元三十年始置院使一員經歷都事各一員三十一年增院使二員元貞元年又增二員延祐七年省院使二員後定置院

使七員正二品同知二員正三品同僉二員正四品院判二員正五品經歷一員從五品都事一員從七品照磨管勾一員正八品令史六人譯史知印各二人宣使四人

諸路金玉人匠總管府秩正三品掌造寶貝金玉冠帽繫腰束帶金銀器皿并總諸司局事中統二年初立金玉局秩正五品至元三年改總管府置總管一員經歷提控案牘各一員十二年又置同知副總管

各一員二十五年置達嚕噶齊一員大德四年又置
副達嚕噶齊副總管各一員後定置達嚕噶齊二員
正三品總管二員正三品副達嚕噶齊二員正四品
同知二員從四品副總管二員正五品經歷一員從
七品知事一員從八品照磨管勾各一員令史五人
譯史一人奏差二人

玉局提舉司秩從五品提舉一員正七品同提舉
一員從七品副提舉一員正八品中統二年以和

琳人匠置局造作始設直長至元三年立玉匠局
用正七品印十五年改提舉司

金銀器盒提舉司秩從五品提舉一員同提舉一
員副提舉一員品秩同上吏目一員至元十五年
始置金銀局秩從七品二十四年改為提舉司秩
正六品大德間陞從五品

瑪瑙提舉司秩從五品提舉一員同提舉一員吏
目一員至元九年置大都等處瑪瑙局秩從七品

管領瑪瑙匠戶五百有奇置提舉三員受金玉府
劄十五年改立提舉司領大都弘州兩處造作陞
從五品三十年減副提舉一員定置如上

陽山瑪瑙提舉司秩從五品至元十五年置提舉
一員同提舉一員副提舉一員品秩同前

金絲子局秩從五品大使一員從五品副使一員
正七品直長一員中統二年設二局至元二十四
年併為一

鞞帶斜皮局秩從八品至元十五年置大使副使
各一員

瓘玉局秩從八品至元十五年置大使一員

浮梁磁局秩正九品至元十五年立掌燒造磁器
并漆造馬尾樓藤笠帽等事大使副使各一員

畫局秩從八品掌描造諸色樣製至元十五年置
大使一員

管領珠子民匠官正七品掌採撈蛤珠於楊村直

沽等處中統二年立管領官子孫世襲

粧釘局從八品至元十五年置大使一員

大小雕木局秩從八品至元十五年置大使一員

宣德隆興等處瑪瑙人匠提舉司秩正六品至元

十五年置提舉一員從七品副提舉一員從八品

溫犀玳瑁局秩從八品至元十五年置大使一員

上都金銀器盒局秩從六品至元十六年置大使

一員副使一員直長一員

漆紗冠冕局至元十五年置大使副使各一員

大同路採砂所至元十六年置管領大同路撥到民一百六戶歲採磨玉夏水砂二百石起運大都以給玉工磨礪之用大使一員

管匠都提領所秩從七品至元十三年置掌金玉府諸人匠詞訟都提領一員

監造諸般寶貝官秩正五品至元二十一年置達魯噶齊二員

收支諸物庫秩從八品至元十五年置大使副使
各一員

行諸路金玉人匠總管府秩從三品至大間始置
于杭州路達魯噶齊總管各一員並從三品同知
一員正五品副總管一員從五品經歷一員從七
品知事一員從八品提控案牘一員

異樣局總管府秩正三品中統二年立提點所至元
六年改為總管府總管一員十四年置同知副總管

各一員二十一年增總管一員二十九年置達嚕噶
齊一員三十年減同知副總管各一員後定置達嚕
噶齊一員總管一員並正三品同知一員從四品副
總管一員從五品經歷一員從七品知事一員從八
品

異樣紋繡提舉司秩從五品中統二年立局至元
十四年改提舉司提舉一員從五品同提舉一員
正七品副提舉一員正八品

綾錦織染提舉司秩從五品至元二十四年改局
置提舉司提舉一員同提舉一員副提舉一員品
秩同上

紗羅提舉司秩從五品至元十二年改局置提舉
司提舉同提舉副提舉各一員品秩同上

紗金顏料總庫秩從九品中統二年置大使副使
各一員從九品

大都等路民匠總管府秩正三品府官總管一員從

三品同知一員正五品副總管一員從五品經歷一員從七品知事一員從八品提控案牘一員至元七年初立府秩從三品十四年改陞正三品

備章總院秩從六品大使副使各一員至元十三年省併楊蘭等八局為總局

尚衣局秩從五品至元二年置達魯噶齊一員從五品提舉一員從五品同提舉一員正七品副提舉一員正八品都目一人

御衣局秩從五品至元二年置達嚕噶齊提舉各一員從五品同提舉一員正七品副提舉一員正八品都目一人

御衣史道安局秩從六品至元二年置以史道安掌其職因以名之大使副使各一員

高麗提舉司秩從五品至元二十二年置提舉一員

織佛像提舉司秩從五品延祐四年改提領所為

提舉司提舉副提舉各二員

通政院秩從二品國初置驛以給使傳設托克托和斯以辨奸偽至元七年立諸站都統領使司以總之設官六員十三年改通政院十四年分置大都上都兩院二十九年又置江南分院大德七年罷至大元年陞正二品四年罷以其事歸兵部是年兩都仍置止管達勒達展齊延祐七年復從二品兼領漢人展齊大都院使四員從二品同知二員正三品副使二員從三品僉院一

員正四品同僉一員從四品院判一員正五品經歷一
員從五品都事一員從七品照磨兼管勾承發架閣一
員正八品令史十三人通事一人知印二人宣使十人
上都院使同知副使僉院判官各一員經歷都事各一
員品秩並同大都令史四人譯史三人通事一人知印
一人宣使一人

廩給司秩從七品掌諸王諸蕃各省四方邊遠使客
飲食供張等事至元十九年置提領司令司丞各一

員

中政院秩正二品院使七員正二品同知二員正三品
僉院二員從三品同僉二員正四品院判二員正五品
掌中宮財賦營造供給并番衛之士湯沐之邑元貞二
年始置中御府秩正三品大德四年陞中政院秩正二
品至大三年陞從一品院使七員同知僉院同僉院判
各二員四年省併入典內院皇慶二年復為中政院設
官如舊其幕職則司議二員從五品長史二員正六品

照磨兼管勾承發架閣一員正八品吏屬蒙古筆且齊
四人掾史十二人回回掾史二人克埒穆爾齊二人知
印二人宣使十人

中瑞司秩正三品掌奉寶冊卿五員正三品丞二員
正四品典簿二員從七品寫懿旨筆且齊四人譯史
一人令史四人知印一人通事一人奏差二人典吏
二人

內正司秩正三品掌百工營繕之役地產孳畜之儲

以供膳服備賜予卿四員正三品少卿二員正四品
丞二員從五品典簿二員從七品照磨兼管勾一員
正九品吏屬各有差領署二提舉司一及其司屬凡
十有六歲賦之額工作之程終歲則會其數以達焉
尚工署秩從五品令一員從五品丞二員從六品
書史一人書吏四人掌營繕雜作之役凡百工名
數興造程式與其材物皆經度之而責其成功皇
慶元年始置隸內正司

威埒齊局秩從七品提領一員大使一員副使
一員直長二員掌裁製縫綫之事延祐六年始
置隸尚工署

贊儀署秩正五品提領一員大使一員副使一員
直長二員掌車輿器備雜造之事皇慶二年始置
隸內正司

管領六盤山等處齊哩克昆匠都提舉司秩正四
品達魯噶齊一員都提舉一員同提舉二員副提舉

二員知事一員提控案牘一員吏四人奏差二人至
大四年始置國初未有官署賦無所稽後遣使覈實
始著為籍設司以領之

奉元等路平涼等處開城等處甘肅寧夏等路察
汗諾爾等處長官司凡五處秩正五品各設達魯
噶齊一員長官一員副長官一員提控案牘一員
都目一員吏十人延祐二年以民匠提舉司所領
地里闊遠人戶散處於政不便乃酌遠近衆寡立

長官司提領所以分理之

提領所凡十並正七品奉元等路鳳翔等處平涼寧環等處開城等處察汗諾爾等處甘州等路肅沙等路永昌寧夏等路長城等路各設提領一員同提領一員副提領一員典史一員分掌齊哩克昆地方隸各長官司

翊正司秩正三品令五員正三品丞四員正四品典簿二員從七品照磨一員從八品譯史二人令史六

人知印及通事奏差典吏各二人掌齊哩克昆民匠
五千餘戶歲辦錢糧造作以供公上至元三十一年
始置御位下管領隨路民匠打捕鷹房納綿等戶總
管府正三品復隸正宮位下延祐六年改翊正司歲
終會其出納以達于院而糾其弊領提舉司二提領
所一

管領上都等處諸色人匠提舉司秩從五品達魯
噶齊一員提舉一員並從五品同提舉一員從六

品副提舉一員從七品直長一員都目一員吏目
一員司吏四人部役二人元貞元年始置管戶二
千五百有奇隸翊正司

管領隨路打捕鷹房納綿等戶提舉司秩從五品
達魯噶齊一員提舉一員同提舉一員副提舉一
員品秩同上直長一員都目一員吏目一員司吏
四人部役二人元貞元年始置隸翊正司

管領歸德亳州等處管民提領所秩從七品提領

一員同提領一員副提領一員典史一員司吏一
人國初平江南收附歸德楚通等三百五十六戶
令托和巴管領大德二年始置提領所隸翊正司
典飲局秩正七品大使二員副使二員典史一員攢
典二人掌醞造酒醴以供內府及祭祀宴享賓客賜
頒之給初置嘉醞局秩六品隸家令至大二年改典
飲兩都分置皇慶元年撥隸中宮

管領大都等路打捕民匠等戶總管府秩正三品達

嚕噶齊一員總管一員並正三品同知一員正四品
副總管一員正五品經歷一員從七品知事一員從
八品提控案牘照磨一員譯史一人令史奏差各四
人掌錢糧造作之事國初平定河南諸郡收聚人戶
一萬五千有奇置官管領至元八年屬有司二十年
改隸中尚監二十六年始置總管府領提舉司十有
一提領所二十有五

在京提舉司二秩從五品達嚕噶齊一員提舉一

員從五品同提舉一員從六品副提舉一員從七
品都目一員分管各處人戶至元十六年給從七
品印大德四年省併為十一處改提舉司陞從五
品涿州保定真定冀寧河南大名東平東昌濟南
等路提舉司凡九處各設達魯噶齊一員提舉一
員同提舉一員副提舉一員都目一員

提領所凡二十五處大都等路東安州濟寧曹州
祁州完州河間濟南濟陽大同元氏冀寧晉寧歸

德南陽懷孟汝寧衛輝曹州涿州真定中山平山
大名高唐等處每處各設提領一員同提領一員
副提領一員典史一員

管領諸路打捕鷹房民匠等戶總管府秩正三品達
魯噶齊一員總管一員正三品同知一員正五品副
總管二員從五品經歷三員從七品知事一員從八
品提控案牘一員照磨一員譯史一人令史四人奏
差二人掌錢糧造作之事大德三年始置元貞元年

撥隸中宮位下領提舉司四提領所十有一

管民提舉司大都等路冀寧等路南陽唐州等處
河南路府等處凡四司秩從五品每司設達嚕噶
齊一員提舉一員同提舉一員副提舉一員都目
一員吏二人

提領所凡十有一大都保定河間真定南陽鄆州
濟南嵩汝汴梁裕州汝濟陳州唐州泌陽襄陽湖
陽晉寧冀寧等處各設所秩正七品每所提領二

員同提領一員副提領一員典吏一員司吏二人
至元十六年置至大元年改提領所

江浙等處財賦都總管府秩正三品達魯噶齊一員
都總管一員並正三品同知一員正五品副總管一
員從五品經歷一員從七品知事一員從八品照磨
一員提控案牘一員從九品譯史一人令史一十五
人奏差一十五人典吏二人掌河南沒入貨產課其
所賦以供內儲至大元年置領提舉司三庫局各一

平江松江建康等處提舉司凡三處秩並正五品
每司各設達嚕噶齊一員提舉一員同提舉一員
副提舉一員都目一員吏目一員司吏六人

豐盈庫提領一員大使一員副使一員典吏一人
掌收本府錢帛

織染局局使一員典吏一人掌織染歲造段匹

管領種田打捕鷹房民匠等戶萬戶府秩正三品掌
歸德亳州永宿二十餘城各蒙古漢軍種田戶差稅

中統二年置初隸塔齊爾王位下其後改屬中宮萬戶一員經歷一員知事一員提控案牘一員令史四人領司屬凡十處

管領大名等處種田諸色戶總管府秩正五品總管一員副總管一員都目一員中統二年置至元二十三年置府大名

管領本投下大都等處諸色戶計都達魯噶齊秩正五品達魯噶齊一員提控案牘一員都目一員中統

三年置至元十五年置司大都

管領大都河間等路打捕鷹房總管府秩正五品總
管一員副總管一員都目一員司吏二人中統二年
置三年給印

管領東平等路管民官秩正五品總管一員相副官
一員都目一員吏一人中統二年置至元二十二年
給印

管領大名等路宣撫司燕京路管民千戶所秩從七

品提領一員副提領一員中統二年置

管領曹州等處本投下民戶管領東明等處本投下
戶計管領蒲城等處本投下諸色戶計管領汴梁等
路本投下種田打捕軀戶四提領所秩正七品提領
各二員同提領副提領各一員典吏各一員司吏各
一人中統二年置至元十四年頒印

海西遼東哈斯罕等處鷹房諸色人匠齊哩克昆萬
戶府秩正三品達魯噶齊一員萬戶一員副萬戶一

員經歷一員知事一員提控案牘兼照磨一員譯史
一人掌錢糧造作之事管領哈斯罕等處肇州托音
溫都爾諸色人匠四十戶仍領鎮撫司千戶所

鎮撫司鎮撫一員吏一人延祐四年始置

哈斯罕等處打捕鷹房齊哩克昆千戶所秩從五
品達魯噶齊一員千戶一員副千戶一員吏目一
員司吏四人彈壓一人部役二人至大二年置提
舉司延祐六年改千戶所

諸色人匠齊哩克昆千戶所秩從五品達魯噶齊一員千戶一員副千戶一員都目一員司吏四人部役二人初為提舉司後改千戶所

肇州等處女直千戶所達魯噶齊一員千戶一員副千戶一員吏目一員司吏四人延祐三年置

托音溫都爾烏梁海千戶所延祐三年置

和約爾等處齊哩克昆千戶所至治元年置

開元等處齊哩克昆千戶所至治元年置

石州等處齊哩克昆千戶所延祐七年置
瀋陽等處齊哩克昆千戶所至治元年置
遼陽等處齊哩克昆千戶所至治二年置
蓋州等處齊哩克昆千戶所延祐五年置
幹盤等處齊哩克昆千戶所至治元年置

遼陽等處金銀鐵冶都提舉司秩正四品都提舉一
員同提舉一員副提舉一員提控案牘一員譯史一
人吏六人奏差二人掌辦金銀砑鐵等課分納中書

省及中政院七年以其賦盡歸中官

管領本位下齊哩克昆隨路諸色民匠打捕鷹房都
總管府秩正三品達魯噶齊一員都總管一員並正
三品同知一員正五品副總管一員從五品掌齊哩
克昆二萬九千戶田萬五千餘頃出賦以備兵役之
事中統二年置府大德十年隸詹事院至大三年隸
徽政院延祐三年改善政司至治二年徽政院及其
屬盡廢天歷三年復立府仍正三品設官如上其首

領官則經歷一員從七品知事一員從八品照磨一員從九品吏屬令史一十二人譯史四人通事知印各二人奏差一十人典吏六人

管領諸路打捕鷹房民匠等戶總管府秩正三品達魯噶齊一員總管一員同知一員副總管一員品秩如上經歷一員知事一員提控案牘一員照磨一員令史四人譯史一人奏差二人大德三年置其屬附見

大都等路管民提舉司達魯噶齊一員同提舉一員副提舉一員都目一員

大都保定提領所提領二員同提領一員副提領一員典吏一員

河間真定提領所提領二員同提領一員副提領一員典吏一員

唐州提舉司達魯噶齊一員提舉一員同提舉一員副提舉一員都目一員

南陽鄧州提領所提領二員同提領一員副提領
一員典史一員

唐州泌陽提領所提領二員同提領一員副提領
一員典史一員

襄陽湖陽提領所提領二員同提領一員副提領
一員典史一員

汝寧陳州提領所提領二員同提領一員副提領
一員典史一員

河南提舉司達魯噶齊一員提舉一員同提舉一

員都目一員

汴梁裕州提領所提領二員同提領一員副提領

一員典史一員

河南嵩汝提領所提領二員同提領一員副提領

一員典史一員

南陽唐州提領所提領二員同提領一員副提領

一員典史一員

冀寧提舉司達嚕噶齊一員提舉一員都目一員
冀寧提領所提領二員同提領一員副提領一員
典史一員

晉寧提領所提領二員同提領一員副提領一員
典史一員

寶昌庫提領一員大使一員掌受金銀砵鐵之課以
待儲運


金銀場提領所凡七梁家寨銀場明世銀場密務銀

場寶山銀場燒炭峪銀場胡寶峪金場七寶山砭炭
場俱從七品每所各設提領一員同提領一員副提
領一員

鐵冶管勾所凡二處各設管勾一員同管勾一員副
管勾一員

奉宸庫秩五品提點四員副使二員提控案牘一員
庫子六人掌中藏寶貨錢帛給納之事大德元年置
廣禧庫達嚕嚕齊一員提舉一員大使一員副使二

員提控案牘一員庫子四人大德八年置掌收支御膳野物職視生料庫



元史卷八十八